

Na osnovu člana 21. tačka 26. Statuta Grada Zenica ("Službene novine Grada Zenica", broj: 5/15), Gradsko vijeće na 14 sjednici održanoj 10. marta 2016. godine, donosi

**Odluku
o formiranju Privrednog savjeta Grada Zenica**

Član 1.

Formira se Privredni savjet Grada Zenica.

Član 2.

Privredni savjet grada Zenica (u daljem tekstu Savjet) je savjetodavno tijelo koje se sastoji od ukupno 15 članova i to:

- osam predstavnika privatnog sektora,
- dva predstavnika organizacija civilnog društva – nevladine organizacije,
- pet predstavnika javnog sektora (gradska uprava i javna preduzeća i druge institucije na lokalnom nivou).

Član 3.

Članstvo u Savjetu je dobrovoljno i na volonterskoj osnovi. Potpisivanjem izjave o prihvatanju članstva u Savjetu, svaki član preuzima obavezu djelovanja u Savjetu u cilju općedruštvenog dobra i unapređenja poslovnog i svakog drugog ambijenta u Gradu Zenica i ima moralnu odgovornost prema građanima.

U Savjet se mogu imenovati osobe koje svojim ličnim angažmanom i profesionalnim rezultatima doprinose unapređenju cjelokupne lokalne zajednice u oblasti u kojoj djeluju.

Član 4.

Savjet se uspostavlja s ciljem institucionaliziranja javno-privatnog dijaloga.

Savjet će se sastajati po potrebi, a najmanje tri puta godišnje.

Savjet će na svojoj prvoj sjednici usvojiti Poslovnik o radu i Program rada.

Tehničko-organizacijske poslove za potrebe djelovanja Savjeta vršit će Služba za ekonomske odnose i poduzetništvo.

Član 5.


Ovlašćuje se Gradonačelnik da u roku od 15 dana, a u skladu s ovom odlukom i općeprihvaćenim principima javno-privatnog dijaloga, imenuje članove Savjeta.

Član 6.

Odluka stupa na snagu danom donošenja a objaviće se u "Službenim novinama Grada Zenica".

Broj: 01- 01-0276/16

Zenica, 10.03.2016. god.



PREDSJEDAVAJUĆI
GRADSKOG VIJEĆA ZENICA
Nebojša Nikolić
Nebojša Nikolić